

928
三
2

姚少監詩集



林有山

朱朝普

劉玉

朱登

朱登

朱登

朱登

林有山

朱朝普

劉玉

朱登

朱登

朱登

朱登

姚少監詩集卷第六


閑適時序風月六十二首

莊居即事

休看小字大書名向日持經眼却明時過無心
求富貴身閑不夢見公卿因尋岳寺葦辛斷自
到玉城
床新睡覺齒風半夜鶴
來聲

親仁里居

三年債舍親仁里寂寞何曾似在城飲酒自緣
防冷病一作尋人多是為閑行軒車無路通
一作氣



過門巷親友一作故 目詩道姓名自別一作下 青山
歸未得羨君長聽石泉聲

莊居野行

客行野田間以屋皆閉戶借問屋中人盡去作
商賈官家不稅商稅農服作苦居人盡東西道
路侵墮畝採玉上山顛探珠入水府邊兵索衣
食此物同泥土古來一人耕三人食猶飢如今
千萬家無一把鋤犁我倉常空虛我田生蒺藜
上天不雨粟何由活烝黎

春日閑居

居止日蕭條庭前唯藥苗身閑眠自久眼差視
還遙簷燕酬鶯語隣花雜絮飄客來無酒飲
搔首擲空瓢

獨居

深閉柴門長一作多不出功夫自課少閑時翻音
免問他人字覆局勢一作勢何勞對手棊生許如雲
無定所窮愁似影巧一作每相隨到頭歸向一作去
青山是塵路茫茫欲告誰

早春閑居

寂寞日何為負一作開居春色遲鶯風起庭雪寒

雨長簷漸強飲區樽一作中事酒作嘲山世外詩
此生仍且在難與老相離

原上新居

秋來梨果熟行哭小兒飢鄰富雞長往莊一作家
貧客漸稀借牛耕地晚賣樹納錢遲墻下當官
道依前夾竹籬

將歸山

野人慣忝山中住自到城來悶不勝宮樹蟬聲
多却樂侯門月色少於燈飢來唯擬重餐藥歸
去還應只別僧聞道舊溪茆屋畔春風新上數

枝藤

山中述懷

為客久未歸寒山獨掩扉曉來山鳥散雨過杏
花稀天遠雲空積溪深水自激此情對春色盡
總欲忘機

偶然書懷

十年通籍入金門自媿名微枉措紳鍊得升砂
疑不食從茲白髮日一作自相親家山迢遞歸無
路盃酒稀踈病到一作在身漢有馮唐有戎老
為郎吏更何人

客舍有懷

旅人無事喜終日

一作思悠

逢酒嫌盃淺尋

書怕字稠貧來許錢聖夢覺見身愁
寂寞中林下飢鷹望到秋

及第後夜中書事

夜睡常驚起春光屬野夫
新銜添一字舊友遜前途
喜過還疑夢狂來不似儒
愛花持燭看憶酒犯街沽
天上名應定人間盛更無報
息丞相閣何嘗殺微軀

偶題

年二十九陌看春還舊隱
空勞夢寐間遲日逍遙
芸艸長聖朝清淨諫臣
一作書閑偶逢遊客同傾
酒自有前驅恥見山
道侶書來相責誚朝
報作一作何顏

感時

憶昔未出身索寞無精神
逢人話天命自賤如埃塵
君今終出身旣乘鞍馬
春逢人話天命自重如千鈞
信涉名利道舉動皆喪
真君今自世情何況天下人

憶山

閑處無人到，垂疎稱野情。日高搔首起，林下散
衣行。泉引窗前過，雲看石罅生。別來愁欲老，虛
負出山名。

客遊旅懷

客行無定止，終日路岐開。馬為賒來貴，僮因借
得頑。詩書愁觸雨，店舍喜逢山。舊業嵩陽下，三
年未得還。

迎春

半年留醉待，花開曉去迎春。夜始迴風暖，慢行
尋曲水。天晴遠望立高臺，不知無處將詩請。唯

得終朝把酒催。今日柳條全弄色，遊人相伴看
春來。

遊春十二首

正月一日後，尋春更不眠。自知還近僻，衆說過
於顛。看水寧依路，登山欲到天。悠悠芳思起，多
是晚風前。

卑官長少事，僻縣又無城。未曉衝寒起，迎春忍
病行。樹枝風棹軟，菜甲土浮輕。好個林間鵲，今
朝是喜聲。

詩酒相牽引，朝思不窮。苔痕雪水裏，春色竹

烟中迎雨綠池草
摧花倚樹風書非
名利事愛此少人同

塵中主印吏誰遣
有高情趁暖簷前
坐尋芳樹底行土
融疑野色水敗滿
池聲漸覺春相泥
朝來睡不輕

踈頑無異事隨例
但添年舊曆歲深
篋新衣薄絮綿暖
風渾酒色晴日暢
琴絃同伴無辭困
遊春貴在先

看春長不足豈更
覺身勞寺裡花枝
淨山中水色高嫩
一作懶雲輕似絮
新艸細如毛併起
詩人

思還應費筆毫

悠々小縣吏懶頽
入新年遠思遭詩
惱閑情被酒牽戀
花林下飲愛艸野
中眠踈懶今成性
誰人肯更憐

處々春光遍遊人
亦不稀向陽傾冷
酒看影試一作着
新衣嫩樹行移長
幽禽語旋飛同來
皆去盡衝夜獨吟
一作行歸

朝々看春色春色
似相憐酒醒鶯啼
裏詩成蝶舞前摘
花盈手露拚竹滿
庭烟親故多相笑
踈狂似少年

卑官還不惡行止得逍遙
晴野花侵路春陂水上橋
塵埃生暖色藥艸長新苗
看却烟光散狂風處飄

身被春光引經時更不歸
嚼花香滿口書竹粉粘衣
弄日鶯狂語迎風蝶倒飛
自知踈懶性得事亦應稀

曉脫青衫出閑行氣味長
一瓶春酒色數頃野花香
朝客聞應羨山僧見亦一作似狂
不將童僕去恐謂一作損損風光

賞春

閑人祇是愛春光迎得春來喜
欲狂買酒怕遲令走馬看花嫌遠
自移床嬌鶯語足方離樹戲蝶飛高
始過牆顛倒醉眠三數日人間百事不
思量

春日即事

春來眠不得誰復念生涯
夜聽四隣樂朝尋九陌花
輕烟浮草色微雨濯年華
乞假非閑病朝衣在酒家

春日江次

野步出郊齋閑行坐石臺
久悲鄉路遠猶喜杏

花開鷓鴣皆飛去帆檣何處來目疑千里日落
日尚徘徊

揚州春詞三首

廣陵寒食天無露復無烟暖日疑花柳春風散
管絃園林多是宅車馬少於船莫喚遊人住遊
人困不眠

滿郭是春光街衢上亦香竹風輕履馬花露膩
衣裳谷鳥鳴還艷山夫到亦狂可憐遊賞地煬
帝國傾亡

江北烟光袞淮南勝事多市鄽持燭入隣里漾

船過有地惟栽竹無家不養鵝春風蕩城郭滿
耳是笙歌

寒食二首

今朝一百五出戶雨初晴舞愛雙飛蝶歌聞百
轉鶯江深青艸岬花滿白雲城為政多孱懦應
無酷吏名

出城煙火少况復是今朝閑坐將誰語臨觴只
自謔堦前春蘚偏衣上落花飄伎樂州人戲使
君心并寥

暮春書事

窮巷少芳菲蒼苔一徑微酒醒聞客別年長送
春歸宿願眠雲嶠浮名繫鎖闌未回丞相庇難
得脫一作解朝衣

春晚雨中

寂寂春將老門人獨自歡迎風鶯語澁帶雨蝶
飛難傍砌木初長眠花景漸闌臨軒平目望情
思若為寬

送春

昨吟一作迎今復送來晚去逡巡芳盡空繁樹愁
多獨病身靜思傾酒懶閑望上樓頻為向春風

道明年早報春

別春

留春不得被春欺春若無情遣泥誰寂寞自疑
生冷病淒涼還似別親知隨風未辨歸何處澆
酒唯求住少時一去近當三百日從朝至夜是
相思

夏夜

閑齋深夜靜獨坐又閑行密樹月籠影踈籬水
隔聲斷後時叫谷棲鳥每搖櫂寂寞求名士誰
知此夕情

秋日有懷

秋來不復眠但覺思悠然菊色欲經露蟲聲漸
替蟬詩情生酒裏心事在山邊舊里無日到
風又一年

秋夕遣懷

昨宵白露下秋氣滿山城風勁衣巾脆空虛筆
墨輕臨書愛真跡避酒怕狂名祇擬隨麋鹿悠
悠過一生

秋中夜坐

踈散永無事不眠常夜分月中松露滴風引鶴

同聞

同衛尉崔少卿九月六日飲

酒熟菊還芳花漂盞亦香與君先一醉舉世詩
重陽風色初晴利蟲聲向晚長此時如不飲心
事亦應傷

九日憶硯

一作硯

山舊居

帝里閑人少誰同把酒杯硯山籬下菊今日幾
枝開曉角驚眠起秋風引病來長年歸思切更
值鴈聲催

秋晚江次

蕭：晚景寒獨立望江
孺沙渚幾行鴈風灣一
隻船落霞澄返照孤
嶼隔微煙極目思無
盡卿
心到眼前

除夜二首

衰殘歸未遂寂寞此
宵情舊國當千里新
年隔
數更寒猶近北峭風
漸向東生誰見想一作
長安
陌晨鍾度火城

慙慙惜此夜此夜住
逡巡燭盡年還別雞
鳴老
更新籬聲方去疫酒
色已迎春明日持盃
處誰
為最後人

晦日送窮三首

年：到此日瀝酒
拜街中萬戶千門
看無人
送窮

送窮：不去相泥
欲何為今日官家
宅淹留又
幾時

古人皆恨別此別
恨消竟只是空相
送年：不
出門

詠雲

靄：紛：不可窮
憂笙歌處盡隨
龍來依銀漢
一千里歸傍巫山
十二峯呈瑞每聞
開麗色避

風仍見挂喬松憐君翠染雙蟬鬢鏡裏朝近
玉容

詠雪

愁雲殘獵下陽臺混却乾坤六出開與月交光
呈瑞色共花爭艷傍寒梅飛隨郢客歌聲遠散
逐宮娥舞袖迴其那知音不相見剡溪乘興為
君來

郡中對雪

霏微著草樹漸布與堦平遠近如空色飄颻無
落聲飛鷗疑翅重去馬覺蹄輕遙想故山下隼

夫應滯行

對月

銀輪玉兔向東流瑩淨三更正好遊一片黑雲
何處起皂羅籠却水精球

八月十五夜看月

亭：千萬里三五復秋中此夕光應絕常時思
不同九霄微有露四海靜無風惆悵逡巡別誰
能看碧空

賊月華臨靜夜

長空埃壒滅皎皎月華臨色正秋將半光鮮夜

愁雲殘獵下陽臺混却乾坤六出開與月交光
呈瑞色共花爭艷傍寒梅飛隨郢客歌聲遠散
逐宮娥舞袖迴其那知音不相見剡溪乘興為
君來

郡中對雪

霏微著草樹漸布與堦平遠近如空色飄颻無
落聲飛鷗疑翅重去馬覺蹄輕遙想故山下隼

夫應滯行

對月

銀輪玉兔向東流瑩淨三更正好遊一片黑雲
何處起皂羅籠却水精球

八月十五夜看月

亭：千萬里三五復秋中此夕光應絕常時思
不同九霄微有露四海靜無風惆悵逡巡別誰
能看碧空

賊月華臨靜夜

長空埃壒滅皎皎月華臨色正秋將半光鮮夜

自深九霄晴更徹四野氣難侵靜爽遙山出孤
明列宿沉高人應不寐鶯鶻復何心漏盡東方
曉佳期何處尋

寫任疇協律夏中苦雨見寄

銀藻波瀾溢經旬雨未休細聽宜隔牖遠望憶
高樓風急飄還斷雲低落更稠走童驚掣電飢
鳥啄浮漚絲經張空際珠繩續瓦溝青蛙多入
戶潢潦欲勝舟雷怒疑山破池渾似土流灰人
漫讓厭水馬恣沉浮廣陌應翻浪貧居恐作秋
陽精歲不耀陰氣盛難收遠色重林暮繁聲四

鮮秋望晴思見日防冷欵披裘枕潤眠還懶車
羸出轉憂散空烟漠漠遘溜竹修修樹暗蟬吟
咽巢傾燕語愁琴書涼簟淨燈燭夜窗幽天下
那能向靄邊豈易求濕煙凝竈額荒艸覆墻頭
酒思淒方罷詩情取始抽下床先伏屐汲井恐
飄甌危坐徒相憶佳期未有由勞君寄新什終
日不能酬

和座主相公雨中作

清氣潤華屋東風吹雨勻花低鶯艷重竹淨覺
聲真山際疑如霧雲中散似塵蕭蕭下碧落點

銀藻波瀾溢經旬雨未休細聽宜隔牖遠望憶
高樓風急飄還斷雲低落更稠走童驚掣電飢
鳥啄浮漚絲經張空際珠繩續瓦溝青蛙多入
戶潢潦欲勝舟雷怒疑山破池渾似土流仄人
漫讓厭水馬恣沉浮廣陌應翻浪貧居恐作秋
陽精歲不耀陰氣盛難收遠色重林暮繁聲四

薛秋望晴思見日防冷欲披裘枕潤眠還懶車
羸出轉憂散空烟漠漠迸溜竹修修樹暗蟬吟
咽巢傾燕語愁琴書涼簟淨燈燭夜窗幽天下
那能向龍邊豈易求濕煙凝竈額荒艸覆墻頭
酒思淒方罷詩情取始抽下床先伏屐汲井恐
飄甌危坐徒相憶佳期未有由勞君寄新什終
日不能酬

和座主相公雨中作

清氣潤華屋東風吹雨勻花低驚艷重竹淨覺
聲真山際凝如霧雲中散似塵蕭蕭下碧落點

點救生民緩洒雷霆細微沾瓦礫新詩成難繼
和造化筆通神

惡神行雨

面神扇歛惡神行凶湧挨排白霧生風擊水凹
波撲凸雨滌山口地嵌坑靛噴黑氣翻騰滾鬼
掣紅光劃損哮吼忽雷聲揭石滿天啾唧鬧
轟：

姚少監詩集卷第六

姚少監詩集卷第七

題詠四十九首

題鳳翔西郭新亭

西郭塵埃外新亭制度奇地形當要處人力是
閑時結構方殊絕高低更合宜棟梁清俸買松
竹遠山移佛一作僧寺幽難敵仙家景一作境可追

一作遺良功慙巧盡上客恨逢遲兩面寒一作清波

漲當前軟一作嫩柳垂清虛宜月入涼冷勝風吹

宴賞軍容靜登臨樂妓隨魚龍聽絃管鳧鷖識
旌旗泛鷁春流濶飛觴白日歇閑花一作雲長在

戶嫩鮮乍綠墀永望情無極頻來困不辭雲峰
晴轉出翠一作煙樹曉逾滋向野惟貪靜臨空處
覺危行人如不到遊樂更何為一作遊樂
信虛為

題金州西園九首

江榭

亭：白雲榭下有清江流見江不得親不如波
上鷗有榭江可見無榭無雙眸

藥堂

僮僕不到闕雙扉常自閉四壁畫遠水堂前聲
秋山時聞有仙鼠竊藥簷隙間

草閣

編草覆柏椽軒扉皆竹織閣成似僧居學僧居
未得有時公府勞還復來此息

松壇

盤：松上蓋下覆青石壇月中零露垂日出露
尚溽山翁稱絕境海橋無所觀

夢徑

藥院徑亦高往來踏夢影方當繁暑日草僑微
微冷愛此不能行折薪坐煎茗

垣竹

種竹愛庭隙亦以資翫賞窮秋雨蕭條但見墻
垣長宣尼高數仞固應非土壤

石庭

布石滿山庭磷磷潔還清幽人常履此月下履
齒鳴藥艸枝葉動似向山中生

莓苔

茅堂堦豈高數寸是苔蘚只恐秋雨中窗戶亦
不澱眼前無此物我情何由遣

芭蕉屏

芭蕉禁生月照參差影數葉大如墻作我門

之屏稍聞見稀耳目得安靜

杏溪十首

杏溪

桃花四散飛桃子壓枝垂窈窕青陰裏幽人舉
步遲慙慙念此徑我去復來誰

蓮塘

方塘菡萏高繁豔相照耀幽人夜眠起忽疑野
中燒曉尋不知休白石岬亦峭

架水藤

漾紫花藤下復清溪水若遣隨波流不如風

飄起風飄或近堤隨波千萬里

石潭

曉向潭上行夕就潭邊宿清冷無波瀾
澈魚相逐釣翁坐不起見我往來熟

溪路

此路何潇洒孔無公卿跡日多往來
藜杖與桑屐路邊何所有磊青淥石

望江峯

念昔有此峯在彼江陵先舉世未能
知遇尔望同賢我來心益悶欲上天
公牋

杏水

不與江水接自出林中央穿花復遠
水一山聞杏香我來持茗甌日屢此
來嘗

渚上竹

葉新春筠下復清淺流微風屢此來
決復脩詩人月下吟月墮吟不休

楓林堰

森楓樹林護此石門堰杏隄數里
餘楓影覆石徧鷗鷺與釣童質異同
所願

石瀨

散漫復潺湲，半砂半和石。清風波亦無，歷歷魚可搦。我來亦屢久，歸路常日夕。

陝下厲玄侍御宅五題

濯纓溪

舊山寧要去，此有濯纓泉。曉景松枝覆，秋光月色連。行尋履齒盡，坐對角巾偏。幽棲處無妨，請俸錢。

垂釣亭

由釣起茅亭，柴扉復竹楹。波清見絲影，坐久識魚情。白鳥依窻宿，青蒲傍砌生。欲同漁父舍，須

自戒逢迎

吟詩島

幽島蘚層層，詩人日登坐。危石是榻，吟吟唾成冰。靜對唯秋水，同來只一作老僧。竹一作枝題字處，小篆復誰能。

竹裏徑

微徑婵娟裏，唯聞靜者知。跡深苔長處，步狹笋生時。高是連幽樹，窮應到曲池。紗巾靈壽杖，行樂復相宜。

泛觴泉

不上酒家樓池邊日獻酬杯來轉巴字客坐遶
方流酌滴苔文斷泉連石岬秋若能山下置歲
晚願同遊

題僧院引泉

泉眼高千尺山僧取得歸架空橫竹引鑿石透
渠飛洗藥溪流濁澆花雨力微朝昏長遶看護
惜似持衣

題家園新池

數日自穿池引泉來近陂尋渠通咽處遶岬待
清時深好求魚養閑堪與鶴期幽聲聽難盡入

夜睡常遲

詠盆池

浮萍重疊水團圓客遶千遭屐齒痕莫驚池裏
尋常滿一井清泉是上源

買太湖石

我嘗遊太湖愛石青嵯峨波瀾取不得自後長
咨嗟竒扎賣石翁不傍豪貴家負石聽苦吟雖
貧而來過貴我辨識精取價復不多比之昔所
見珍恠頗更加背面深注痕孔隙若琢磨水稱
至柔物湖乃生壯波或云此天生嵌空亦非他

氣貞偶不合如地生江河置之書房前曉霧常
紛羅碧光入四隣牆壁難蔽遮客來謂我宅忽
若巖之阿

天竺寺殿前立石

補天殘片女媧拋撲落禪門歷地坳霹靂劃深
龍舊攫屈槃痕淺席新抓苔粘月眼風挑剔塵
結雲頭雨盞敲秋至莫言長斲立春來自有薜
蘿交

杭州觀潮

樓有章亭號濤來自古今勢連滄海闊色比白

雲深怒雪驅寒氣狂雷散大音浪高風更起波
急石難沉鳥懼多遙過龍驚不敢吟坳如開玉
兗危似走瓊岑但褫千人魄那知伍相心岸摧
連古道洲漲暗叢林洩沫山皆濕當江日半陰
天然與禹鑿此理遣誰尋

題李頻新居

賃居求賤處深僻任人嫌蓋地花如綉當門竹
勝簾勸僧嘗藥酒教僕辨一作書簽庭際山宜
小休令着石添

寄題縱上人院

營：是與非前樂後還悲今世已如此他生願
似師禪房空且暮盡壁半陳隋遠徑竹一作蒼苔
跡幽人來是誰

題山寺

千重山崦裏樓閣影參差未暇尋僧院先看置
寺碑竹深行漸暗石穩坐多時古塔蟲蛇善陰
廊鳥雀癡雲開上界近泉落下方遲為愛青桐
葉日題滿樹詩

題貞女祠

此女骨為土貞名不可移精靈閔何處蘋藻真

空祠水石生異狀杉松無病枝我來方謝雨延
滯失歸期

題刑部馬貞外修行里南街新居

帝里誰無宅青山祗屬君閑窓連竹色幽砌上
苔文遠近高低樹東面南北雲朝：常獨見免
被四隣分

題郭侍郎親仁里幽居

入門塵外思苔徑藥苗間洞裏應生玉庭前自
有山帝城唯此靜朝客更誰閑野鶴松中語時
時去復還

題宣義池亭

春入池亭好風光暖更蘚尋芳行不困
遂勝坐還遷細草亂如髮幽禽鳴似絃
苔文翻古篆一作畫石色學秋天花
落能漂酒萍開解避船暫來還差一作猶愈
疾久任合成仙迸笋揩揩起垂藤壓樹
偏此生應借看自計一作謂買無錢

題薛十二池亭

每日樹邊消一日遠池行過又須行
異花多是非時有好竹皆當要處生
斜立小橋看島勢遠移幽石作泉聲
浮萍著畔風吹歇水面無塵晚

更清

題大理崔少卿駙馬林亭

每來歸意懶都尉似山人臺榭一作榭栖一作停雙鷺松
篁隔四隣迸泉清勝雨深洞暖如春更看題詩處
前軒粉壁新

題杭州南亭

舊隱即雲林思歸日深如今來此地無復有
前心古石生靈艸長松栖異禽暮潮簷下過
浪濕衣襟

題鄭

一作崔

駙馬林亭

東園連宅起勝事與心期幽洞自生藥新篁迸
入池密林行不盡芳草坐難移石翠疑無質鶯
歌似有詞莎臺高出樹蘚壁淨題詩我獨多來
賞九衢人不知

題厲玄侍御所居

幽棲一畝宮清峭似山峰隣里不通徑俸錢唯
買松野人時寄宿谷鳥自相逢朝路床前是誰
知曉起慵

題田將軍宅

焚香書院最風流莎州綠墻綠蘚秋近砌別穿

澆藥井臨街新起看山樓棲禽戀竹明猶在閑
客觀花夜未休好是暗移城裏宅清涼渾得似
江頭

題崔駙馬宅

心在林泉身在城鳳凰樓下得閑名洞中見鑿
尋仙路月裏猶燒煮藥鑄數樹異花皆勅賜竝
竿脩竹自天生詩人多說離君宅不得青苔地
上行

題河上亭

亭、河上亭魚躑水禽鳴九曲何時盡千峯今

日清晨光秋更遠暑氣夏常輕
盃裏移檣影琴中有浪聲
岬莎連砌靜漁火入窓明
來此多沉醉神高無宿醒

題長安薛員外水閣

亭：新閣成風景益鮮明
石盡太湖色水多湘渚聲
翠筠和粉長零露逐荷傾
時倚高窓望幽尋小徑行
林疎看鳥語池近識魚情
政暇招閑客唯將酒送迎

題梁國公主池亭

平陽池館枕秦川門鎖南山一帶烟
素柰花開西子面綠榆枝種沈郎錢
裝簾玳瑁隨風落庭岬鷓鴣趁暖眠
寂寞空餘歌舞地玉簫驚起鳳歸天

寄題尉遲少卿郊居

卿侍在閨東林居思不窮
朝衣掛壁上旣馬放田中
隅坐唯禪子隨行只藥童
砌莎留宿露庭竹出清風
濃翠生苔點辛香蒨桂禁蓮池伊水入石徑
遠山通愚者心還靜
高人跡自同無能相近住終日羨隣翁

姚少監詩集卷第七

姚少監詩集卷第八

遊覽宴集五十首

過張邯鄲莊

客行長似病煩熱束四股到君讀書堂忽若逢
良醫堂前水交流堂下樹交枝兩門延風涼洗
我昏濁肌與子還往熟坐卧恣所宜時：相獻
酬文字當酒卮野飯具藜藿永日亦不飢苟養
非其所繪矣為蒺藜時清士人閑耕作唯文詞
豈獨鄉里薦當取四海知

過楊處士幽居

引水穿風竹出聲勝遠溪栽衣延野客剪翅養
山鷄酒熟聽琴酌詩成削樹題惟愁春氣暖松
下雪和泥

過李處士山居

閑居晝掩扉門柳蔭蔬畦目病方收藥尋僧始
度溪少逢人到戶時有燕銜泥蕭洒身無事名
高孰與齊

過無可僧院

憶師眠復起永夜思迢迢月下門方掩林中寺
更遙鐘聲空下界池色在清霄終擬修禪觀窓

聞春欲燒

過稠上人院

清羸一飯師閑院亦披衣應詔常翻譯修心出
是非雪中踈磬度林際晚風歸蔬食常來此人
間護淨稀

過不疑上人院

九經通大義

一作通經
大議經

內典自應精簾冷連松

影苔深減履聲相逢幸此日相失一作恐來生
覺路何門去師須引我行

過雲花賢上人院

九陌最幽寺吾師院復深
煙霜同覆屋松竹雜成林
鳥語境彌僻客來機自沉
早知如到此應不帶朝簪

過杜氏江亭

上國千餘里逢春且勝遊
暫聞新鳥戲似解旅人愁
野色吞山盡江煙襯水流
村醪須一醉無恨滯行舟

過張雲舉院宿

不喫胡麻飯杯中自得仙
隔籬招好客掃室致芳筵
家醞香醪嫩時新異果鮮
夜深唯畏曉坐

穩豈思眠棊罷嫌無敵
詩成貴在前明朝題壁上
誰得衆人傳

過欽上人院

有相無相身唯師說始真
修篁半庭影清磬幾僧隣
古壁丹青落虛簷鳥雀馴
伊余求了義羸馬往來頻

過無可上人院

寥々聽不盡孤磬與疎鍾
煩惱師長別清涼我暫逢
蟻行經古蘚鶴毳落深松
自想歸時路塵埃復幾重

過城南僧院

寺對遠山起幽居仍是師斜陽通暗隙殘雪落
踈籬松靜鶴栖定廊虛鍾盡遲朝朝趨府吏來
此是相宜

過靈泉寺

偶尋靈跡去幽徑入氤氛轉壑驚飛鳥穿山踏
亂雲水從岩下落溪向寺前分糴子遊何處空
堂日漸曛

過天津橋晴望

閑立津橋上寒光動遠林皇宮對嵩頂清洛貫

城心靈路初晴出人家向晚深自從王在鑄天
寶至今

春日遊慈恩寺

年長歸何處青山未有家賞春無酒飲多看寺
中花

遊天台上方

曉上上方高處立路人羨我此時身白雲向我
頭上過我更羨他雲路人

遊終南山

策杖度溪橋雲深步數勞青猿吟巖際白鶴坐

松梢天外浮烟遠山根野水交自緣名利繫好
此結蓬茆

遊杏溪蘭若

踏得度溪灣晨遊暮不還月明松影路春滿杏
花山戲祝跳林末高僧住石間未宜離腰組來
此復何顏

遊謝公亭

行方避夢又到謝亭來舉世皆如此伊余何
處迴竹鮮多透石泉潔亦無苔坐與僧同語誰
能頷酒盃

遊陽河岬

終日遊山困今朝始傍河尋芳愁路盡逢景畏
人多鳥語催沽酒魚來已聽歌醉時眠石上肢
體自婆婆

遊河橋曉望

閑上津橋立天涯一望間秋風波上岬旭日氣
連山偶聖今方變朝宗豈復還崑崙在蕃界作
將亦何顏

上一作出
界一作激

秋夜月中登天壇

秋蟬流異彩齋潔上壇行天迤星辰大山深世

界清仙甌石上起海日夜中明何計長來此閑
眠過一生

遊昊天玄都觀

性同相見易紫府共閑行陰送紅桃落秋壇白
石生蘚文連竹色鶴語應松聲風定藥香細樹
深泉氣清垂簷靈艸影遶壁古山名圍外坊無
禁歸時踏月明

同裴起居厲侍御放朝遊曲江

暑月放朝頻青槐路絕塵雨晴江色出風動一作
度艸香新獨立分出島同行得靜人此歡宜稍

滯此去與誰親

曉望華清宮

曉看樓殿更鮮明遙隔朱欄見鹿行武帝自知
身不死教修玉殿號長生

夏日登樓晚望

避暑高樓上平蕪望不窮鳥穿山色去人歇樹
陰中數帶長河水千條弱柳風暗思多少事懶
話與芝翁

霽後登樓

高樓初霽後遠望思無窮雨洗青山淨春蒸大

野融碧池舒暖景弱柳輕和風為有登臨興獨
吟落照中

早夏郡樓宴集

官散有閑情登樓步稍輕窗雲帶雨氣林鳥雜
人聲曉日襟前度微風酒上生城中會難得掃
壁各書名

夜宴太僕田卿宅

故人九寺長邀我此同歡永夜開筵靜中年飲
酒難微風侵燭影疊漏過林端臘後分朝日天
明幾刺殘

春日同會衛尉崔少卿宅

詩家會詩客池閣曉初晴鳥盡山中語琴多譜
外聲映花相勸酒入洞各題名踈野常如此誰
人信在城

軍城夜會

軍城夜禁樂飲酒每題詩坐穩吟難盡寒多醉
較遲遠鍾經鷺一作漏壓微月被燈欺此會誠堪
惜天明是別離

晦日宴劉直錄事宅

花落鶯飛深院靜滿堂賓客盡詩人城中盃酒

家家有唯是君家酒送春

宴光祿田卿宅

行裏開華鏃玳瑁羞次第嘗春風酒影動晴日樂
聲長久坐難辭醉哀年亦暫狂慙慙還繼燭永
夕夢相妨

會將作崔監東園

牆北走紅塵牆東接飛一作白雲山光衣上見藥
氣酒中聞此會誠堪惜窮秋日又燠人間唯有
醉後復何云

同諸公會太府韓卿宅

九寺名卿才思雄邀歡筆下與杯中六街鼓絕
塵埃息四座筵開語笑同皎：蘭缸明狹室丁
丁玉漏蒺深宮即聽鳴唱天門曉吏事相牽西
復東

乞酒

聞君有美酒與我正相宜益瓮清如水粘盃半
似脂豈唯消舊病且要引新詩况此便：腹無
非是滿卮

寄衛拾遺乞酒

老人罷卮酒不醉已經年自飲君家酒一盃三

日眠味輕花上露色似洞中泉莫厭時時寄須
知法未傳

乞新茶

嫩綠微黃碧澗春採時聞道斷葷辛不將錢買
將詩乞借問山翁有幾人

西掖寓直春曉聞殘漏

直廬仙掖近春氣曙猶寒隱隱銀河在丁玉
漏殘微風飄更切萬籟雜應難鳳閣明初啟雞
人唱漸闌靜宜未禁裏清是下雲端我識朝天
路從容自整冠

杭州郡齋南亭

符印懸腰下東山不得歸獨行南北近漸老往
還稀迸笋侵窗長驚蟬出樹飛田田池上葉嘗
是使君衣

郡中西園

西園春歆盡芳艸徑難分靜語唯幽鳥閑眠獨
使君密林生雨氣古石帶潮文雖去清秋遠朝
朝見白雲

杭州官舍偶書

錢塘刺史謾題詩貧病無思懦少歲春盡酒盃

花影在潮迴畫檻水聲微閑吟山際邀僧上暮
入林中看鶴歸無術理人：自理朝：漸覺簿
書稀

省直書事

默：滄江老官分右掖榮立朝班近殿奏直上
知名曉霧和香氣晴樓下樂聲蜀牋金屑膩月
兔筆毫精禁樹非煙覆宮墻瑞艸生露盤秋更
出玉漏晝還清碧蘚無塵染寒蟬似鳥鳴竹深
雲自宿天近日先明屏懦難封詔踈愚但擲觥
素食終日足寧免衆人輕

杭州官舍即事

臨江府署清閑坐一作復閑行苔蘚踈塵色梧
桐出雨聲漸除一作身外事暗作道家名更喜
仙山近庭前藥自生

假日書事呈院中司徒

十日公府靜巾櫛起清晨寒蟬近衰柳古木似
高人學佛寧憂老為儒自喜貧海山歸未得芝
木夢中春

書縣丞舊廳

宮殿一作樓閣半山上人家向下居古廳眠易廢老

史語多虛雨水澆荒竹溪沙擁廢渠聖朝收外
府皆是九天除

睽中秋宿

鼓絕門方掩蕭條作吏心露垂庭際艸螢照竹
閒禽暴罷嬾無月眠遲聽盡磬還知未離此時
復更相尋

夏夜宿江驛

竹屋臨江岾清宵興自長夜深傾北斗葉落暎
橫塘渚闌漁歌響風和角稜香却愁南去棹早
晚到蒲湘

陝城即事

左右分京關黃河與宅連何功來此地竊位已
經年天下才彌小閤中鎮最先隴山望可見惆
悵是窮邊

姚少監詩集卷第八

姚少監詩集卷第九

和荅酬謝五十七首

和東都令狐留守相公

除官東守洛陽宮息比藩公任更雄拜表出時
傳七刻排班衙日有三公旌旗嚴重臨闕外庭
宇清深接禁中三十六峯詩酒思朝：閑望與
誰同

和高諫議蒙兼賓客時入翰苑

魚秩息歸第一流時尋仙路向瀛洲鐘聲逆遞
銀河在林色葱籠玉霏秋紫殿講筵隣御座青

宮賓榻入龍樓從來共結歸山侶今日多應獨自休

和盧給事酬裴負外

南山雪色徹皇州鐘鼓聲交曉氣浮鴛鴦簪裾
上龍尾蓬萊宮殿壓鰲頭夕即夜直吟仙掖天
樂和聲下禁樓贈荅詩成才思敵病夫欲和幾
朝愁

和裴結端公早朝

魚鑰千門啟鷄人唱曉傳冕旒臨玉殿丞相入
鑪煙列位同居左分行忝在前給事中與侍御史
班同行在東給

事中興在臺官前故有此句仰聞天語近俯拜珮聲連綵伏
祥光動彤庭霽色鮮威儀誰可紀柱史有新篇

和門下李相餞鹵蜀相公

聖朝同舜日作相有夔龍理化知無外蒸黍盡
可封燹和皆達識出入並登庸武騎增餘勇儒
尉貴所從贈詩全六義出鎮越千峯連日陳天
樂芳筵疊酒鍾烏臺情已洽鳳閣分彌濃元和十四

年崔相公與門下相公連御史臺今又在中書矣棧轉旌搖水堦高馬

蹋松恩深施遠俗化美見前蹤太和四年門下

西蜀理化清淨江曉流巴字山晴聳劍鋒雙油

擁上宰四海羨臨邛先路聲華遠離京詔旨重
歲除今向盡春色即相逢嫩葉抽頰藥新苔長
翠茸水銷魚澈：林暖鳥囀：泉落聞難盡花
開看不供青城方眷戀黃閣竟從容計日歸台
席還聽長樂鐘

和座主相公鹵亭秋日即事

鹵亭秋望好寧要更垂簾夫子牆還峻鄭侯宅
過謙微風紅葉下新雨綠苔黏窗外松初長欄
中藥旋添海圖裝玉軸書日記牙籤竹色晴連
地山光遠入簷酒濃盃稍重詩吟語多尖屬和

才雖淺題高免容嫌

和秘書崔少監春日遊青龍寺僧院

官清書府足閑時曉起攀花折柳枝九陌城中
尋不盡千峰寺裏看相宜高人酒味多和藥自
古風光只屬詩見說往來多靜者未知前日更
逢誰

和李紳助教不赴看花

笑辭聘禮深坊住門館長閑似退野一作居大學
官資清品秩高人公事說經書年華未是登朝
晚春色何回向酒踈且看牡丹吟麗句不知此

外復何如

和李十二舍人冬至日

獻壽人皆慶南山復北堂從今千萬日此日又
初長

和裴令公新城綠野堂即事

結構立嘉名軒窓四面明丘墻高莫比蕭宅僻
還清池際黿潛戲庭前藥旋生樹深簷稍邃石
峭迳難平道曠襟情遠神閑視聽精古今功獨
出大小隱俱成曙雨新苔色秋風長桂聲携詩
就竹寫取酒對花傾古寺招僧飯方塘看鶴行

人間無此貴伴仗暮歸城

和厲玄侍御題戶部李相公廬山西林

草堂

茆屋臨江起登庸復應期遙知歸去日自致太
平時幽藥禪僧護高窓宿鳥窺行人盡歌詠唯
子獨能詩

和鄭相演揚尚書蜀中唱和詩

天福坤維厚忠賢擁節旄江同渭濱遠山似傳
巖高元氣符才格文星照筆毫五言全鹿則六
義出風騷聖日麻隻下洪爐柄共操寵榮連雨

露先後比蕭曹唱絕時難和吟多客詎勞四方
雖紙貴誰怕費錢刀

和戶部侍郎省中晚歸

寒日南宮晚閑吟半醉歸位高行路靜詩好和
人希古樹苔文匝遙峯雪色微寧知蓬彩筆
寂寞有光輝

和元八郎中秋居

聖代無為化郎中似散仙晚眠隨客醉夜坐學
僧禪酒用林花釀茶將野水煎人生知此味獨
恨少因緣

和李十二舍人裴四二舍人兩閣老酬
白少傅見寄

罷艸王言星歲久嵩高山色日相親蕭條雨夜
吟連曉撩亂花時看盡春此世道遙應獨得古
來閑散有誰隣林中長老呼居士天下書生仰
達人酒挈數瓶盃亦濶詩成千首語皆新綸闈
並命誠宜賀不念衰年寄上頻

和劉禹錫主客冬初拜表懷上都故人

九陌喧々騎吏催百官拜表禁城開林疎曉日
明紅葉塵靜寒霜覆綠苔玉佩聲微班始定金

函光動按初來此時共想朝天客謝食方從閣
裏迴

和太僕田卿酬殷堯藩侍御見寄

往還知分熟酬贈思同新嗜飲殷偏逸閑吟卿
亦貧古苔寒更翠修竹靜無鄰促席燈浮酒聽
鴻霜滿身淺才唯是我高論更何人攜手宜相
訪窮行少路塵

和膳部李郎中秋夕

浙：復修：涼風似水流此生難免老舉世大
同愁螢影明苔蘚鴻聲傍斗牛猶分省署直何

日是歸休

和前吏部韓侍郎夜泛南溪

辭得官來疾漸平世間難有此高情新秋月滿
南溪裏引客乘船處：行

和王郎中題華州李中丞廳

蓮華峯下郡齋前遠砌穿池貯瀑泉君到亦應
閑不得主人草聖復詩仙

和厲玄侍御無可上人會宿見寄

兀衢難會宿况復是寒天朝客清貧老林僧默
怡禪眠遲消漏水吟苦墮寒涎異日來尋我滄

江有釣船

和令狐六負外直夜即事寄上相公

霜臺同處軒窓接粉署先登語笑踈皓月滿簾
聽玉漏紫泥盈手發天書吟詩清美一作招閑
客對酒逍遙卧直廬榮貴人間難有比相公離
此十年餘

荅孟 侍御早朝見寄

河傾月向鹵九陌鼓聲齊塵靜霜華遠煙生曙
色低禁門人已度宮樹鳥猶栖踈懶勞相問登
山有舊梯

和友人新居園上

新居多野息不似在京城墙上雲相壓庭前竹
亂生尋師望藥力依譜上琴聲好色中秋夜無
塵有月明

和裴令公遊南莊憶白二十韋七二賓客

四郊初雨歇高樹滴猶殘池滿紅蓮濕雲收綠
野寬花開半山曉竹動數村寒闔雀翻衣袂驚
魚觸釣竿樽前多野客膝下盡郎官斲石通泉
脉移松出藥欄閑東分務重天下比功難半醉
思韋白題詩染彩翰

和李舍人秋日卧疾言懷

閑卧襟情遠西風菊漸芳
虛窓通曉景瓊簾卷
秋光果墜青莎徑塵離綠
蘚墻藥奩開靜室書
閣出藁篁對酒吟難盡
思山夢稍長王言生彩
筆朝服惹鑪香松影幽
連砌蟲聲冷到牀詩成
難敢和清思若懷霜

和李十二舍人直日放朝對雪

今朝街鼓何人聽
朝客開門對雪眠
豈比直廬
丹禁裏九重天
近色彌鮮

答李頻秀才

一年離九陌
壁上掛朝袍
物外詩情遠
人間酒味高
思婦知病長
失寢覺神勞
衰老無多思
因君把筆毫

答胡遇

一會一分離
貧遊少定期
酒多為客穩
米貴入城遲
晴日偷將睡
秋山乞與詩
縱然眉得展
不似見君持

答友人招遊

不來知盡恠
失意懶春遊
聞鳥寧驚夢
看花怕引愁
賭棊招敵手
沽酒自扶頭
何似華筵上
推

辭候到等

荅竇知言

冬日易慘惡暴風拔山根塵沙落黃河濁波如
地翻飛鳥皆束翼居人不開門獨我赴省期冒
此馳轂轉陝城：西邊逢子亦且奔所趨事一
心相見如弟昆我慘得子舒我寒得子溫同行
十日程僮僕性亦敦到京人事多日無閑精鬼
念子珍重我吐詞葑蒙昏反復千萬意一百六
十言格高思清冷山低濟渾：嘗聞朋友惠贈
言始為恩金玉日消費好句長存：倒篋別收

貯不與俗士論每當清夜吟使我如哀猿

酬田就

閑居多僻靜猶恐道相違只是夜深坐那堪春
未歸嫩苔粘野色香絮撲人衣縱有野僧到終
朝不話非

酬禮部李貞外見寄

本求仙即是閑居豈向郎官更有書溪石誰思
玉匠愛煙鴻願與弋人疎自来江上眠方穩舊
在城中病悉除唯見君詩難便捨寒宵吟到曉
更初

酬令狐郎中見寄

昨是兒童今是翁人間日月急疾一作如風常聞
欲向滄江去除我無人與子同

酬李廓精舍南臺望月見寄

看月空門裏詩家境有餘露寒僧梵出林靜鳥
巢踈遠色當秋半清光勝夜初獨無臺上思寐
冥守吾廬

酬光祿田卿末伏見寄

下伏秋期近還知扇漸踈驚飈陸隣果暴雨落
江魚貴寺雖同秩聞曹只管書朝朝廊下食相

庇在宥道

酬薛奉禮見寄

栖々蒼海一耕人詔遣江邊作使君山頂雨餘
青到地濤頭風起白連雲詩成客見書牆和藥
熟僧來就鼎分珍重來章相借問芳名未識已曾
聞

酬盧汀諫議

粟如流水帛如山依念倉邊語笑間篇什縱橫
文案少親朋撩亂吏人間杯觴引滿從衣濕牆
壁書多任手頑遙賀來年二三月綵衣先輩過

春閑

酬萬年張郎中見寄

貢籍常同府周行今一時諫曹誠已忝京邑豈
相宜黑髮年來盡滄江歸去遲何時得攜手林
下靜吟詩

酬光祿田卿六韻見寄

以病辭朝謁迂踈種藥翁心彌一作唯念魚鳥詔
遣理兵戎逸戶旌旗影吹人鼓角風雪晴嵩岳
頂樹老陝城宮莅職才微薄歸山路未通名卿
詩句峭誦我在閑東

酬楊汝士尚書喜人移居

未得滄江外哀殘讀藥書聖朝優上秩仁里許
閑居樹對枝相接泉同井不踈酬章深自鄙欲
寄復躊躇

酬田卿書齋即事見寄

幽齋琴思靜晚下紫宸朝舊隱同溪遠周行隔
品遙深槐蟬唧：踈竹雨蕭：不是相尋懶煩
君舉酒瓢

酬張籍司業見寄

日：在中心青山青桂叢高人多愛靜歸路亦

應同罷吏方無病，目僧欲解空新詩。勞見問吟對一作竹間風

謝汾州田大夫寄茸羶葡萄

筐封紫葡萄，筒卷白茸毛。卧暖身應健，含消一作清齒免勞衾衣踈不称梨栗却難高。曉起題詩報寒漸，滿筆毫。

謝李太尉牧杭州德裕

皇恩特許拜杭壇，欲謝旌旄去就難。偷擬白頭瞻画戟，四神俱散髮毛寒。

杏園宴上謝座主

得陪桃李植芳叢，別感生成太昊功。今日無言春雨後，似含冷涕謝東風。

謝韜光上人

上方清淨無因住，唯願他生得住持。只恐無生復無我，不知何處更逢師。

謝秦校書與無可上人見訪

道同無宿約，三伏自從容。窻豁山侵座，扇搖風下松。客吟多逸竹，僧飯只憑鐘。向晚分歸路，莓苔行跡重。

喜胡遇至

窮居稀出入門戶滿塵埃病少閑人問貧唯密
友來茅簷從掃破藥酒遣生開多事經時別還
愁不宿迴就林燒嫩筍逸樹揀香梅相對題新
什遲成舉罰盃

喜賈島至

布囊懸蹇驢千里到貧居飲酒誰堪伴留詩自
與書愛眠知不醉者語似相踈軍吏衣裳窄還
應暗笑余

喜喻龜至

欲出心還懶閑吟遶寢牀道書蟲食盡酒律容
偷將愁至為多病貧來減得狂見君何所似如
熱得清涼

喜雍陶秋夜訪宿

曉立侍爐煙夜歸蓬華眠露華明菊上螢影滅
燈前清漏和碓疊柶禽與葉連高人來此宿為
似在山巔

喜賈島雨中訪宿

雨裏難逢客閑吟不復眠蟲聲秋併起林色夜
相連愛酒此生裏趨朝未老前終須携手去滄
海棹魚船

喜馬戴冬夜見過期魚可不至

客來初夜裏藥酒自開封老漸多歸思貧唯長
病容苦寒燈焰細近曉鼓漏一作聲重僧可還相
捨深居閉古松

同前

內殿臣相命開樽話舊時夜鐘催鳥絕積雪阻
僧期林靜寒聲遠天陰曙色遲今宵復何夕鳴
珮坐難隨

訪僧法通不遇

訪師：不遇禮佛：無言依舊將煩惱黃昏入

宅門

夜期友生不至

忍寒停飯酒一作待君來酒作凌斯一作凌一作火作仄
半夜出門重立望月明先自下高臺

尋僧不遇

入門愁自散不假見僧翁花落煎茶水松生醒
酒風拂林尋古画拔刺看新叢別有遊人見多
疑住此中

姚少監詩集卷第九

姚少監詩集卷第十

花木鳥獸器用哀挽雜詠五十七首

和李補闕曲江看蓮花

露荷迎曙發灼灼：復田：乍見神應駭頻來眼
尚顧光凝珠有蒂焰起大無煙粉膩黃絲蘂心
重碧玉錢日浮秋轉麗雨洒晚彌鮮醉艷酣千
朵愁紅思一川綠莖扶萼正翠葯滿房圓淡暈
還殊衆繁英得自然高名猶不厭上客去爭先
景逸傾芳酒懷濃習綵牋海霞寧有態蜀錦不
成妍容至應消病僧來欲破禪曉多臨水立夜

聖和學園短期大學圖書館
只傍堤眠金似明沙渚燈疑宿浦船風驚蕞乍
密魚戲影微偏穠彩燒晴霧殺姿纈碧泉畫工
投粉筆宮女弄花鈿鳥恋鶯難起蜂偷困不前
逸行香爛熳折贈意纏綿誰計江南曲風流合
管絃

和王郎中召看牡丹

葩疊萼相重燒欄復照空妍姿朝景裏醉艷晚
烟中乍恠霞臨砌還疑燭出籠逸行驚地亦移
坐覺衣紅殺麝開繁朵香濃簇幾裁綃樣豈
似染茜色寧同嫩畏人看損鮮愁日炙融婢娟
涵宿露爛熳抵春風縱賞襟情合間吟景思通
容未歸盡懶鶯戀語無窮萬物珍那比千金買
不充如今難更有縱有在仙宮

詠南池嘉蓮

芙蓉池裏葉田：一本雙花出碧泉濃澹共妍
香各散東西分艷蒂相連自知政術無他異縱
是禎祥亦偶然四野人聞皆盡喜爭來入郭看
嘉蓮

種葦

欲種數莖葦出門來往頻近陂牧本土選地問

聖和學園短期大學圖書館
妙法蓮華
出人靜看唯思長初移未覺勻坐中尋竹客將
去更逡巡

採松花

擬服松花無處學嵩陽道士忽相教今朝試上
高枝採不覺傾翻仙鶴巢

詠新菊

黃金色未足摘取且嘗新一作嘗若待重陽日何
曾異衆人一作香

楊柳枝詞五首

黃金絲掛粉牆頭動似顛狂靜似愁遊客見時

心自醉無因得見謝家樓

葉：如眉翠色濃黃鶯偏惡語從容橋邊陌上
無人識雨濕烟和思萬重

江上東西離別饒舊條折盡折新條亦知春色
人將去猶勝狂風取次飄

二月楊花觸處飛悠悠漠漠自東西謝家詠雪
徒相比吹落庭前便作泥

江亭楊柳折還垂月照深黃幾樹絲見說隋隄
枯已盡年：行客恠春遲

郡中冬夜聞蛩

秋蛩聲尚在切：起蒼苔久是忘情者今還有
事來微霜風稍靜圓月霧初開此思誰能遣應
須執酒杯

聞新蟬寄李餘

年六月蟬應到每到聞時骨欲驚今日槐花
還似蒺却愁聽盡更無聲

聞蟬寄賈島

未秋吟便苦半咽半隨風禪客心應亂愁人耳
願聾一作禪客關心雨晴煙一作樹裏日晚古
城中遠思應難盡誰當與我同

題鶴雛

羽毛生未足一作嶠峭醜於鷄一作夜穿籠
出禱衣礎上棲

詠鶯

春來深谷雪方消鶯別寒林傍翠條到處為憐
煙景好隔簾多安語聲嬌不同蜀兔啼殘月准
逐天鷄轉詰朝少婦聽時思舊曲玉樓從此動
雲韶

老馬

卧來扶不起唯向主人嘶惆悵東郊道秋來雨

作泥

詠鏡

鑄為明鏡絕塵埃
翡翠窓前掛玉臺
繡帶共尋龍口出
菱花爭向匣中開
孤光長見鴛鴦在
分處還回鵲影迴
好是照身宜謝女
嫦娥飛向月宮來

詠破屏風

時人嫌古画倚壁
不曾收露滴膠山
斫風吹綃海秋殘
雲飛屋裏片水落
床頭尚勝凡花鳥
君能補綴不

古碑

荒田一片石文字
滿青苔不是逢閑
客何人肯讀來

拾得古硯

僻性愛古物終歲
求不獲昨朝得古
硯黃河灘之側念
此黃河中應有昔
人宅亦作流水斯
硯未變易波瀾所
激觸背面生罅隙
質狀朴且醜今人
作不得捧持且驚
歎不敢施筆墨或
恐先聖人嘗用修
六籍置之潔淨室
一日三磨拭大喜
豪貴嫌久長得保
惜

斐大夫見過

湖南譙國盡英髦心事相期節義高解下佩刀
無所惜新聞天子付三刀

謝韶光上人贈百齡藤杖

衰病近來行少力光公乞我百齡藤閑來杖此
向何處過水緣山只訪僧

詠貴遊

貴遊多愛向春深到處香凝數里塵紅杏花開
連錦障綠楊陰合拂朱輪鳳凰尊畔飛金盞絲
竹聲中醉玉人日暮垂鞭共歸去西園賓客附

龍鱗

窮邊詞二首

將軍作鎮古沂洲水膩山春節氣柔清夜滿城
絲管散行人不信是邊頭

箭利弓調四鎮兵蕃人不敢近東行沿邊千里
渾無事唯見平安火入城

劔器詞三首

聖朝能用將破敵速如神掉劔龍纏臂開旗火
滿身積屍川有岬流血野無塵今日當場舞
應知是戰人

晝

一作夜

渡黃河水將軍險用師雪光聲

一作偏著

甲風力不禁旗陣變龍蛇活軍雄鼓角知今朝
重起舞記得戰酣時

破虜行千里三軍意氣纍展旗遮日黑驅馬飲

一作踏

河枯鄰境求兵畧皇恩索陣圖元和太平

樂自古恐應無

從軍樂二首

每日尋兵籍經年別酒徒眼疼長不校肺病且
還無僮僕驚衣窄親情覺語麤幾時得歸去依
舊作山夫

朝々十指痛唯署點兵符貧賤依前在顛狂一
半無身慚山友棄膽賴酒盃扶誰道從軍樂年
來鑷白鬚

敬宗皇帝挽詞三首

從諫停東幸垂衣寶曆昌漢昭登位少周代卜
年長綵仗三清路麻衣萬國喪玄宮今一閉終
古柏蒼々

晚色啟重扉旌旗路漸移荆山鼎成日湘浦竹
班時臣子終身感山園七月期金莖看尚在承
露復何為

紫陌起仙蹤
川原共拜寥靈輜
萬國護儀殿
百神朝漏滴
秋風路笳吟
灞水橋微臣
空感咽
絕覺天遙

文宗皇帝挽詞三首

垂拱開成化
愔愔雅樂全
千官方就日
四海忽無天
堯舜非傳子
殷周但卜年
聖功青史外
刊石在陵前
代以無為理
車書萬國同
繼兄還付弟
授聖悉推公
雲霧疑無日
笳簫別起風
金莖難復見
寒露落空中

龍歸攀不得
髯在侍臣邊
徹真新阡起
登山吉從全
閔河佳氣散
夷夏哭聲連
窅冥玄宮閉
朝昏千萬年

莊恪太子挽詞二首

曉漏啟嚴城
宮臣縞素行
靈儀先鹵簿
新謚在銘旌
雲晦郊原色
風連霰雪聲
淒涼望苑路
春艸即應生

寒日青宮閉
玄堂渭水濱
華夷牋乍絕
凶吉禮空新
薤露歌連哭
泉扉夜作晨
吹笙今一去
千古在逡巡

哭硯山孫道士

服儒師道旨糲食卧中林誰識先生事無身
是本心空山流水遠故國白雲深日夕誰來哭
唯應猿鳥吟

哭費拾遺徵君

脩短皆由命暗懷師出塵豈知脩道者難免不
身永秘黃庭訣高懸漉酒巾可憐白犬子閑吠
遠行人

哭賈島二首

白日西邊沒滄波東去流名雖千古在身已一

生休豈料文章遠那知瑞艸秋曾聞有書劍應
是別人收

香：黃泉下嗟君向此行有名傳後世無子過
今生新墓松三尺空塔月二更從今舊詩卷人
覓寫應爭

楊給事師臯哭亡愛姬英：竊聞詩人
多賦目而繼和

真珠為土玉為塵未識遙聞臯亦辛天上還應
收至寶世間難得是佳人朱絲自斷虛銀燭紅
粉潛銷冷繡茵見說忘情唯有酒夕陽對酒更

傷神

喜覽涇州盧侍御詩卷

新詩十九首麗高一作格出青冥得處神應駭成
時力盡停正愁聞更喜沉醉見還醒自是天才
健非閑筆硯靈

喜覽裴中丞詩卷

新詩盈道路清韵似敲金調格江山峻功夫日
月深蜀牋方入寫越客始消吟後輩難知處朝
朝枉用心

心懷霜

欲識為欲苦秋霜若在心神清方耿々氣肅覺
沉々皓素中方委嚴凝得更深依稀輕夕渚鬢
鬢在寒林思勁淒孤韵聲酸激冷吟還如飲冰
士勵節望知音

聽僧雲端講經

無生深旨誠難解唯是師言得正真遠近持三
來諦聽酒坊魚市盡無人

臘日獵

健天結束執旌旗曉渡長江自合圍野外狐狸
搜得盡天邊鴻鴈射來稀蒼鷹落日飢唯急白

馬午川走似飛蜡節畋遊非為已莫驚刺史夜
深師

聞魏州賊破

生靈蘇息到元和上將功成自執戈煙霧掃開
尊北岳蛟龍斬斷淨南河旗廻海眼軍容壯兵
合天心殺氣多從此四方無一事朝雨露是

息波南一作黃

下第

枉為鄉里舉射鵠藝渾踈歸路羞人問春城賃
舍居閉門辭雜客開篋讀生書一作求知

已還日勝自餘

得舍弟書

親戚多離散三年獨在城貧居深穩卧一作睡晚
學弟有書至異鄉無地行悲歡相併
起何處說心情

病僧

三年病不出苔蘚滿藤鞋倚壁看經坐聞鐘喫
藥齋茶煙燻殺竹簷雨滴穿罅無暇頻相訪秋

風一作來寂寞懷

成名後苗別從兄

一辭山舍廢躬耕無事悠：住帝城為容衣裳
多不穩和人詩句固難精幾年秋賦唯知病昨
日春闈偶有名却出關東悲復喜歸尋弟妹別
仁兄

佛舍見胡子有嘲

明：漫瘦：胡子即成翁唯是真知性不來生
滅中

太尉李德裕自城外拜辭後歸弊居瞻
望音徽卽書一絕寄上

千騎紅旗不可攀水頭獨立暮方還家人恠我

渾如病躄酒休傾筆硯閑

姚少監詩集卷第十終



唐書載合于姚崇傳中甚略余按合乃宰相崇之曾孫未詳其字元和十一年李逢吉知舉進士調武功主簿世號姚武功又為富平萬年尉寶應中歷監察殿中御史戶部員外郎出荆杭二州刺史為戶刑二部郎中諫議大夫給事中陝虢觀察使開成末終秘書監與馬戴費冠卿殷克藩張籍遊喜採僧詩如清教云香連雲含像雲容云木末上明星荆州僧云犬熟護鄰房吟之不輟李頻

師之方玄英哭之云入室幾人為弟子
為儒是處哭先生仰止極矣隱湖晉潛
在丁酉春朝識于追雲舫中



天啟丁卯余梓極玄集延姚武功取王
維至戴叔倫二十餘人詩一百首曰此
詩家射雕手也遂願遺其本集率不可
得偶閱緇林法語見移花蕪蝶至買石
得雲饒十字此謂禪悟後語既讀主客
圖方知出武功手繼從紀事又讀一日
看除目終年損道心豈食烟火人能道

隻字廣搜博訪十有餘年真所謂求之
不得寤寐息服也迨崇禎壬午秋忽從
饒籠中獲此本凡十卷蓋吾宗圖記印
抄宋刻豈武功有靈錫我百朋耶擊節
欣賞三日夜急授諸梓未知海內亦有
如飢如渴如余者否但未及招與公于
臨頓里中亦用率更筆法與浪仙長吉
嫵美洵一恨事晉又識



此浙本也川本編次稍異余向藏宋治
平四年王願石刻武功縣中詩三十首

詮次不同縣去京城遠一方拙天然性
二微官如馬足三縣僻仍寥落四簿書
多不會五曉鐘驚睡覺六自下青山路
七性疎常愛卧八日出方能起九客至
皆相笑十一日看除目十一作吏荒城裡
十二誰念東山客十三鄰里皆相愛十四窮達
天應與十五閉門風雨裡十六朝三眉不展
十七簿籍誰能問十八腥糲都不食十九宦名
渾不計二十假日都無事廿一官無限日
廿二朝三門不開三廿欲依循三術四廿漫作

容身計五主印三年坐六廿長憶青山下
七自知狂僻性八廿作吏渾無息九廿門外
青山路十三其字句差池夾注行間石本
今已失去每咏表聖公書久似憶良朋
之句為之泫然晉又識



余向藏姚少監集山五卷殘宋刻也頃從
 小濱書堆中得毛子晉舊藏姚集前五
 卷審其明人鈔本後五卷似後宋鈔補
 不知與前五卷是否一書之名子晉但云此浙
 本也川本編次稍異多所殘宋刻對之
 果異甚相傳據宋刻是寫本當即子
 晉所云川本向以此川本異者宜其
 說之合也唐人詩集舊刻面目不一不
 同附存其說于此以證好古者云
二加紙
 清室

第 35117 号
 平成 3.11.22
 聖和學 928
 園短大 3
 圖書館 2

案
號
3113
年
月
日
學
大
館
書
圖

月

